

同治壬申重鐫

河曲縣志

板存河曲縣署

重修河曲縣志序

今上御極之元年秦回倡亂余從戎蒲坂河曲遠據上游時黃惺齋觀察總辦州屬團練郵遞軍書附寄縣志採遺四卷閱其序乃道光癸卯歲刊成於貴州大定府署原以備他日修志之用意至善也三十年爲一世其間人事變遷興廢得失有不可不紀者紀之以實免其久而失真非地方官之責乎 葆卿金司馬宰是邑者五年修葺城垣礮卡建立書院義學舉報名宦鄉賢事必竭誠日無虛度而於戎馬雜沓間亟亟以修志爲已任是真不畏難不苟安者矣余州官也例得書名簡端而尤喜 葆卿司馬持躬在河曲縣志

卷一

事始終不渝其節輒以不文之文文之亦以紀其實云爾惺齋若得覩是書之成其快意又當何如也

大清同治十一年十月吉日

誥授中憲大夫道銜在任候補知府知保德直隸州事桐城姚慶布撰

重修河曲縣志序

周禮小史掌邦國之志外史掌四方之志小行人掌邦國賓客之禮籍以待四方之使者舉凡風俗奢儉疆域廣袤與夫人物之秀良師儒之教育靡不畢具輜軒采錄勒成書以進於王卽今所謂郡邑志也夫郡邑之有志其非徒徵文考獻之謂其謂維風化闡幽貞損益古今興革利弊政事於焉稽覈士民於焉勸懲苟非殫見洽聞旁搜遠紹諮訪周而且確抉擇當而且精以云纂修誠非易易江文通謂修史莫難於志其信然歟顧或避阿徇之誚畏弁鄙之譏聽是邦之文物典章殘缺失次而不廣爲蒐輯壽諸棗梨抑又守土者之過矣河曲縣志自前明嘉靖萬歷年間南坡王鏞編輯於前苗慎齋京兆朝陽續修於後分門別類紀載周詳逮崇禎三年冬遭流寇王加應之變梓板盡付回錄嗣經前令錢公永守修復成編

河曲縣志

卷一

二

國朝順治四年至道光十年歷經前令峒輪馬公雲舉捷軒楊公廷標心田曹公春曉以次踵修迄今又四十二年矣其間自職官以至藝文各類之當增者何可悉數使不亟加訂證咎將奚辭余於同治五年秋來蒞斯邑歷年籌捐經費辦理工程非敢謂百廢俱興或不致貽羞於瘠曠爾獨縣志雖經曹公修輯已歷有年且於

列聖綸言各項典禮均未詳載終覺闕然况此數十年中天時之妖祥政蹟之純備物產之增益風氣之轉移兵警之大災團練之新法壇壝廟宇之移建文職武弁之遞更孝義節烈之挺生甲第科名之繼起所宜踵而紀之表而彰之者指不勝屈因不揣謏陋力任重修參贊資諸邑紳採訪責之齋長復得舊城黃惺齋觀察宅中所著縣志採遺四卷重加刪訂更以得自採訪者入之大抵增者居多於前志未嘗妄爲筆削始於十年十一月竣於十一年十月第成書太速籌款頗難簿領匆匆草創爲此摭摭不無遺漏校讎或有舛譌率爾操觚知不免爲大雅所笑惟願後之君子討論而

潤色之俾禮樂文章燦然大備是則余之所厚望也夫

大清同治十一年太歲在元默涖灘孟冬之月上澣穀旦

誥授奉政大夫同知用知保德州河曲縣事山陰葆卿金福增謹序

重修河曲縣志序

邑之有志所以存文獻紀風土闡幽貞維名教也以順天道則志
星野祥異之考徵以奉神明則志廟祠壇壝之典禮以勸官守則
志流風善政之貽留以畫封疆則志城堡山川之形勝以勵人品
則志前賢往哲嘉言懿行之昭垂志搢紳先生而人知家聲之重
志耆儒碩德而人知鄉望之重志貢舉甲第而人知科名之重而
且營汎兵警之志以講武也藝文詩歌之志以崇文也田賦物產
之志以厚生也風尚勤儉之志以敦俗也以迄孝子悌弟忠臣義
士節婦烈女載在簡冊尤足激發人心而大廉恥之防邑志之重

河曲縣志

卷一

四

也固如是河曲縣志自前明京兆苗慎齋先生創修復重修於
國初馬喟輪楊捷軒縣尹踵修於道光八年曹心田明府至於今而
又閱四十餘年矣其間如星野城堡山川廟祠壇壝此歷久不變
無可增者也然廟祠或缺典禮壇壝或有移建山川城堡亦或稽
考詳畧之不周至祥異則象緯迭更人品則賢哲間生官守則循
良代有貢舉甲第聯鑣而上搢紳耆德接踵而興他若物產之有
加也風尚之有遷也兵警之有變也藝文之時有著作也此其當
增者也又况孝子悌弟忠臣義士節婦烈女或淹沒而弗彰則民
無所激發無所激發則不知重廉恥此人心之患也 邑侯葆卿

金公以清介持躬出宰河曲下車之始適當陝氛不靖首以培城垣訓團練爲要務次之以重修

文廟興復書院創建義學凡所當爲者五年之中靡不次第畢舉乃復慨然以續修縣志爲已任夫縣志之當修也審矣但峒輪諸公修於太平無事之秋其爲時也暇暇則搜羅較易今則縣所轄長灘地方新遭兵燹黃河東西防務未撤桓桓虎貔之勇千營霧合萬竈雲連而公乃留心於邑志之修其爲時也猝猝則採擇較難公不避其難而爲之以爲天下事必待其暇而後爲之事之爲焉者寡矣古人云士大夫一日立乎其位則一日業乎其官其

河曲縣志

卷一

五

公之謂歟是舉也纂言稽事公總其成採訪則委齋長贊襄則資邑紳取多用宏則得力於吾師黃惺齋觀察所著縣志採遺四卷而其修之之法前志悉仍其舊續志要存其真如城鄉團防河西兵警此數百年創見之事在所必稽如象緯循良賢哲貢舉甲第搢紳耆德物產風尚以及廟祀之典禮壇壝之移建當增者增之卽城堡山川之無可增者稽載有遺則補之如孝子悌弟忠臣義士節婦烈女固必核實以紀之卽傳誌詩歌之類亦必有關風化者始錄之旣博採而不遺亦有闕而無濫開修於辛未十一月告成於壬申十月此亦足見邑侯之敏則有功矣抑余又

有說焉修志文事也國防武備也二者事分而理實合昔梁王欲制勝雪恥孟子告以修其孝悌忠信可使制梃以撻秦楚之堅甲利兵天啟初邊事告急馮少墟先生時爲副院立會講堂以激發人忠義之心此其說似迂而要其理則不易也志旣成吾知邑之人必指而目之曰某也孝某也悌某也忠義節烈名載青簡垂之無窮孝悌忠義之心有不油然而以生者乎廉恥存而人心正將見禮義堅於甲冑樽俎威於折衝上可以裨

國家文教之敷下亦可以靖一邑兵刑之氣豈不懿歟

同治十一年歲次壬申陽月吉日

河曲縣志

卷一

六

賜同進士出身

勅授文林郎候選府學教授保德張兆魁拜撰

原序

誌與史異史彰善癉惡筆削維嚴誌則善善從長寓懲於勸而已而分門別類紀徃徵今則大小雖判而所係之重並同河邑誌書邑紳南坡王鑛編集於前給諫苗慎齋重修於後紀載亦備矣崇禎三年庚午冬流寇王加應等踞城肆掠梓板付之回祿而一邑之典又缺嗣宰斯土者遼海錢公留心修復次第成編順治初馬公嶠輪又刪改而增益之編次更井井有條梓未終而遇變事卽中輟楊公捷軒蒞任首重是舉亟爲成之而典之缺者遂燦然畢具迄今百八十年不獨篇殘簡斷其間如縣治移駐驛站新增員

弁改設兵丁裁汰官師廉俸書役工食或較增於前或屢減於後沿革殆不一端而歷任文武職官及邑中科甲歲薦仕宦封廕已不能詳悉孝義節烈亦多隱沒不彰若遲之又久卽有心般補輯者文獻無徵徒增浩歎爰不揣固陋力搜各房稿案移查鬻案旁稽碑記叅考通志於近事尤廣爲採訪隨有所得隨時叙入列原誌所載於各篇之首而以得自採訪者彙附之其有今制與昔異者但詳叙今制而原誌所載不復贅有原誌所未詳者若星野若風俗若武職千總以下若行伍若例仕例貢考職捐職五世同堂等條則據所採訪以補之誌中論說明而確者胥仍其舊間有時

移勢易者則畧叅以臆說至內外與蒙古向以黃河爲界河以西縣中不爲經理自牌界旣分附近草地歸縣兼管亦詳考四至交界及其地名另立一篇附於其末始於道光己丑仲秋竣於庚寅季夏謹捐廉俸刊刻成卷非敢期不朽也俾後之官斯民斯者有所稽考且因以決景從勵進修耳其有不醕不備者俟高明更正之續增之至於完善以與史爭輝斯則幸甚是爲序

大清道光十年歲次庚寅季夏吉日

賜進士出身知保德州河曲縣事戊子科山西鄉試同考試官心田

曹春曉撰

河曲縣志

卷一

八

原序

聞之古稱不朽之物紀故實垂鑒戒所云文獻足徵者誌是已所
係詎不重哉邑誌纂自南坡王公於嘉靖七年延今七十餘載中
間事變之更紀載之缺未可縷指其尤者如城垣包砌官兵添設
名宦鄉賢之祀官師貢舉之詳皆所未誌此補輯之不無所待而
亦不可緩者也余不佞寡昧曷堪是任顧以邑侯任公暨諸士大
夫惓惓屬以桑梓不朽之託辭弗獲已始忘寡昧爲之采輯蒐徃
籍稽故典詢時事可因者因如星野山川廟舍之類而不病於襲
可入者入如城濠兵馬錢穀選舉節烈之類而不嫌於增可刪者

河曲縣志

卷一

九

刪如偏關老營八角等皆河曲故地舊誌皆載今三關誌記詳悉
錄之徒贅也故不嫌於削至編次或紊者正之傳聞可疑者闕之
間有一二斷說亦就其一時利弊而論著之其他古蹟荒郵壞隴
殘碑故事與二氏香火之地乃幽人墨客所藉以探奇弔古者而
藝文尤紀述事功吟詠勝概例不可缺第惟有關邑事者錄之不
概及也書成就正於邑侯侯曰杞宋無徵夏殷之禮不傳諸侯去
籍周制因而墜地聖賢每於斯致慨焉今幸睹是書之全則自今
吏於斯土者得以按籍而考政產於斯土者得以尙論而景行豈
無仰止李朱之烈而以賢興於鄉者乎豈無追蹤何王之蹟而以

宦名於世者乎允若茲則地因人益重誌因地益傳河爲文獻之
有徵而公之爲桑梓也足稱不朽矣不佞悞然內愧何敢當不朽
譬之貌人者然面目膚髮肢體備具以俟夫觀者之自得其神理
耳挹其貌因挹其真氣而有當於神理斯精解也而貌人者亦與
有榮施也侯固得神理之至者聞之首肯誌凡四卷始於萬曆戊
戌之正月望日卒業於三月二日會李子如桂遊宦安州託以校
刊李雅重是書蓋同志而樂觀厥成者是爲序

明萬曆二十六年春三月上浣之吉

賜進士中憲大夫應天府府丞前太僕寺少卿侍經筵禮科都給

河曲縣志

卷一

十

事中邑人慎齋苗朝陽書

纂修姓氏

鑒定

欽加四品銜遇缺 奏補府知保德直隸州事姚慶布

總修

誥授奉政大夫同知用知河曲縣事金福增

纂修

賜同進士出身候銓教授 張兆魁

例授奉政大夫候銓同知 金鍾彥

分修

河曲縣志

卷一

十一

勅授修職郎署河曲縣訓導 侯賓周

叅修

賜進士出身員外郎銜刑部廣東司主事苗穎章

勅授修職佐郎前任靈邱縣訓導 黃鏞

例授文林郎揀選知縣 王衡

例授修職郎候銓教諭 常允恭

考訂

增生 陶銘鼎 附生 許迪慶

採訪

廩生 杜聯華 廩生 周際亨

廩生 許自申 廩生 常允文

監刊

勅授登仕佐郎河曲縣河邑司巡檢盧綬生

勅授登仕佐郎河曲縣典史陳鈺

繕稿

六品軍功陳季培 儒童 李漢鼎

梓人 葛施汎

凡例

一舊志凡四卷今續增四卷恭錄

宸章一卷冠於篇首尊

綸言也次以典禮一卷重

朝典也廣輯文徵附於篇後二卷著遺聞也合舊志共成八卷分門別類不厭煩多亦善善從長之意爾

一舊志所繪疆域各圖頗嫌粗畧今特爲另繪俾閱者一覽瞭然
一本縣兼管河西蒙古地界舊志列入第四卷在藝文末今特移入疆域俾各從其類云

河曲縣志

卷一

三

一舊志村集僅於五都下註載其中缺畧甚多亦無距城里數查縣所轄係屬十六地方今將村集詳細查明載入各地方下其蒙古地界一律查明增入庶按籍可知其里數矣

一舊志雖有八景之名僅於山川古蹟下註出如河涯禹跡則註在禹跡下龍口雷聲則註在龍口下之類至天橋靈雨山川古蹟條內並無其名卷後又加山川補遺列禪房寺八景或前或後未免參差今加形勝一條將舊志八景標出又續增十二勝合禪房寺共成二十八景詳加註釋庶幾朗若列眉

一舊志文廟畧於本城詳於舊縣今南門外文廟業已一律興修

祭祀均在於此特詳載之又書院義學俱各告成例得附載
一壇壝亦將新建者增入

一舊志賦役類解款留支倉儲自道光二十三年以來遞有增減
今特詳加考核縷析條分並將夫馬工料武營俸餉兩條移入
其中以歸畫一

一舊志風俗類不載時令今續增時令一條

一舊志物產未詳今續增食貨一條物產之未詳者亦爲增入

一舊志所載祥異止於雍正七年自雍正七年至修志時已閱百
有餘載豈毫無祥異可記耶今則代遠年湮無從稽考僅就員

人見聞之所及者增入之

一縣志採遺四卷爲舊城黃惺齋觀察所著茲編所增各款半出
其中觀察博學能文富於著作採遺之刻距舊志僅十餘年諒
不至有魚豕之訛故所採各條悉仍其舊

一舊志之修闡在曹心田前縣卸篆以後迨刊刷成帙曹公已返
楚南校對未詳甚多舛錯藝文一類竟有連缺一二字至十餘
字者今將錯字代爲更正其空處未敢臆造存以闕疑

一 是編創於同治辛未之冬成於壬申之冬耳目未周搜羅不廣
後之覽者不免有舛訛疎畧之譏如有淹雅通材重修於數十

年之後補其疎畧正其舛訛棄短存長區余不逮則幸甚矣

河曲縣志

卷一

五

河曲縣志目錄

卷之一

恭錄

宸章

文

序贊

聖諭

碑

上諭

河曲縣志

卷一

六

御製詩

御書匾額

欽頒書籍

卷之二

典禮類

文廟釋奠禮 樂章 祝文 戒誓儀注 崇聖祠
祭禮 文廟祀位 崇聖祠祀位 欽定祭品

勛兩

製造品饌 四耐祠禮 社稷壇祭禮 祝

文神祇壇祭禮

祝文 先農壇祭禮 社稷壇祭禮 祝

祝文 樂祭禮

祝文 厲壇祭禮 告城隍文 祝文

關帝廟祭禮

樂章 祝文 後殿祭禮 祝文 文昌

宮祭禮

樂章 祝文 後殿祭禮 祝文 昭忠祠祭禮

龍神祝文

火神祝文 祠祀通例 祝文 授時

禮慶賀禮

迎春禮 土牛式 芒神式 耕藉禮 行

香禮 救護禮

上任禮 上任行香禮 上任講書禮